



2^e Conference regionâl di verifiche e di propueste su la atuazion de Leç Regionâl 29/2007

A son passâts dis agns di chel Dicembar dal 2007 cuant che, daspò di un procès lunc e condividût, ma ancje complès e je stade fate buine la Leç Regionâl 29/2007 "Normis pe tutele, valorizazion e promozion de lenghe furlane". Une Leç impuartante che tal so percors di stesure e à viodût la partecipazion ative de societât civil.

Cu la Leç 29/2007 la Regjon Friûl-Vignesie Julie e je stade fra lis primis in Italie a aprovâ une leç di politiche linguistiche daûr dai standard europeans, cun chê di organizâ i intervents di tutele e di promozion de lenghe in duj i setôrs de societât.

La 2e Conference di verifiche su la L.R. 29/2007 e je stade pensade propit par fotografâ ce che al è stât fat dilunc di cheste legjislature e par discuti sul lavôr dai prossims cinc agns. Une ocasion di analisi e di confront par valutâ i progrès e i risultâts otignûts, ma ancje lis criticitâts che a ralentin la metode in vore ad implen de Leç. Un moment di **valutazion** e di **propueste** dulà che, dongje de riflession sul stât atuâl di tutele e di promozion de lenghe, **duj i sogjets interessâts e i citadins furlans a son clamâts a dà il lôr contribût.**

La Conference e je la fase finâl di un percors che al à viodude la partecipazion ative di cuatri grups di lavôr rapresentatîfs dai setôrs là che la Regjon e à decidût di concentrâ lis ativitâts di valutazion: **istruzion, mieçs di comunicazion, planificazion linguistiche e aministrazion publiche.** I grups a son stâts constituîts de Cabine di Regjie istituide dal Consei regionâl par organizâ la Conference. La Cabine, coordinade dal Consei Regjonâl e je componude dai rapresentants de Zonte Regjonâl, de Universitât dal Friûl, dal Ufici scolastic regionâl, de ARLeF-Agenzie Regionâl pe Lenghe Furlane e de Assemblee de Comunitât linguistiche furlane.

Ogni Grup di Lavôr al à viodude la partecipazion dai **principâi puartadôrs di interès dai cuatri setôrs**, e par ognidun, la Cabine di Regjie e à individuât un coordinadôr, component dal Comitât Tecnic Sientific de ARLeF.

I risultâts di chest lavôr a vignaran presentâts e discutûts te Conference in program a **Udin, vinars il 1n di Dicembar e sabide ai 2.**

Ogni citadin al podarâ partecipâ e intervignî intes ativitâts di valutazion e di propueste.

Lis relazions e il program des dôs zornadis si cjatin sui sîts de ARLeF (www.arlef.it) e dal Consei Regjonâl (www.consiglio.regione.fvg.it).


 REGIONE AUTONOMA
 FRIULI VENEZIA GIULIA
 consiglio regionale





CONFERENCE REGIONÂL
 SU LA LENGHE FURLANE
 1-2 di Dicembar dal 2017

Cjape la peraule!

Pal program in detai, par partecipâ e par dî la tô:
www.consiglio.regione.fvg.it - www.arlef.it

Vinars il 1ⁿ di Dicembar des 8.30 aes 16.30
 Udin, Auditorium de Regjon di vie Sabbadini 31

Sabide ai 2 di Dicembar des 9.30 aes 12.30
 Udin, li dal Salon dal Parlament dal Cjiscjel